

BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD BIHAĆ  
GRADONAČELNIK  
Služba za lokalno ekonomski razvoj  
Savjet za ekonomski razvoj Grada Bihaća  
Bihać, 23.01.2019.godine

## **SAVJET ZA EKONOMSKI RAZVOJ GRADA BIHAĆA**

Zapisnik sa

XVI sjednice Savjeta za ekonomski razvoj Grada Bihaća

Na XVI sjednici Savjeta za Ekonomski razvoj, održanoj dana 22.01.2019. godine u Gradskoj upravi Bihać - Sala Gradonačelnika s početkom u 13,00 sati., raspravljalo se o Nacrtu budžeta Grada Bihaća za 2019. Godinu i prijedlogu **Programa rada** Savjeta za ekonomski razvoj u 2019. godini.

### **DNEVNI RED**

1. Realizacija zaključaka sa XV sjednice Savjeta;
2. Nacrt budžeta Grada Bihaća za 2019.
3. Program rada Savjeta za ekonomski razvoj u 2019.
4. Ostala tekuća pitanja.

Prisutni na sastanku:

1. Smail Nuhić – d.o.o. Euroing, Predsjedavajući Savjeta
2. Nijaz Lipovača , Načelnik Službe – LER i koordinator rada Savjeta
3. Šemsudin Bajrić – Predstavnik obrtnika
4. Jasmina Ibrahimpašić – Univerzitet u Bihaću
5. Jasmina Ćoralić – Služba za finansije Grada Bihaća
6. Emir Pjanić - GTO d.o.o.
7. Amir Behić - Sanny boy d.o.o.
8. Rasima Bobić – Ministarstvo poljoprivrede USK
9. Damir Ruždijić, Tehnički sekretar Savjeta
10. **Himzo Mulahalilović-predstavni Vlade USK**

- Sastanak otvara predsjedavajući gospodin Smail Nuhić, a koordinator Savjeta gosp. Nijaz Lipovača, najavljuje dvije glavne tačke dnevnog reda i osvrće se na predhodnu sjednicu Savjeta i zaključke sa iste.
- Gđa Jasmina Ćoralić, u skladu s 2. Tačkom dnevnog reda, predstavlja Nacrt budžeta Grada Bihaća za 2019. godinu, kako bi prisutni bili upoznati sa istim i dali svoje

komentare i sugestije. Uz prezentaciju, ona upoznaje prisutne sa reprogramom duga Grada, iznosom kapitalnih transfera i drugim stavkama iz budžeta.

- Nakon toga, rasprava je nastavljena na temu kapitalnih ulaganja u grad i infrastrukturnih projekata koji su ili planirani u narednom periodu, ili se već izvode.

Slijedom događaja na dnevni red je došla i migrantska kriza sa kojom se ovaj grad suočava i korist koju grad može eventualno imati iz ove situacije, u smislu infrastrukturnih ulaganja i rekonstrukcije pojedinih objekata (Đački dom), uvođenje led rasvjete i slično.

Gospodin Smail Nuhić se osvrnuo na problem Đačkog doma i njegove obnove uvjetovane migrantskom krizom, i njegov stav kao stručnjaka u toj oblasti je da je Dom u Borićima izuzetno loše renoviran, te da grad niti će imati korist od takvog Doma, niti od bilo kojeg drugog infrastrukturnog projekta vezanog za ovu krizu s čim se složila i većina prisutnih. Generalno je mišljenje sviju da trenutna situacija sa migrantima više nanosi štete gradu nego koristi.

- Prisutni su se opet dotakli pojedinih stavki iz nacrt budžeta a gospodin Himzo Mulahalilović je mišljenja da i ovaj nacrt budžeta, kao i oni raniji predstavlja listu želja i da nije realno postavljen.

Usljedila je replika od strane gđe. Jasmine Čoralić, iz Službe financija koja ga je demantovala mnogim iznesenim činjenica i podacima, u smislu da se baš suprotno radi od načina na koji se nekad ranije krojio i formirao budžet grada. Sad je transparentan, realan, planski i prvenstveno usmjeren ka stabilizaciji financijskog stanja u Gradu Bihaću.

Sa svim ovim iznesenim od strane gđe. Čoralić se složio i gosp. Nijaz Lipovača i gospodinu Haliloviću dodatno iznio činjenice o ozbiljnost kreiranja ovog budžeta u odnosu na prijašnje godine, kad je budžet zaista bio lista želja i kad su se netransparentno i protivzakonito trošila i rasipala ogromna budžetska sredstva.

- Ovo je otvorilo širu raspravu o ozbiljnost u planiranju budžeta Grada.
- Gđa Jasmina Ibrahimpašić je navela kako se i sama kao predstavnik Univerziteta uvjerala da se slika o Gradu Bihaću mijenja na pozitivno, što se tiče financijske konsolidacije i da je to vidljivo u povratku povjerenja stranih partnera prema Gradu Bihaću.
- Na to se također nadovezao i gospodin Behić iz kompanije Sanny boy, koji je i javno pohvalio rad gradske uprave, njenu transparentnost i uspjeh u konsolidovanju budžeta te vraćanju dugovanja koje je grad uspio da izmiri prema svojim partnerima.
- Prisutni su se osvrnuli i na velike mogućnosti koje se gradu pružaju od naplate koncesija a koje nisu još zaživjele u punom kapacitetu, što smatra gospodin Mulahalilović iz Ministarstva privrede.
- Na to se nadovezao i gospodin Lipovača, koji se osvrnu na rad odnosno nerad starog saziva skupštine i Vlade USK, smatrajući da je novi saziv Vlade USK mnogo ozbiljniji i konstruktivniji. Sadašnja Vlada je oprijedljena za punu saradnju sa svim

opštinama i gradovima u USK, što otvara velike mogućnosti Gradu Bihaću ka daljem razvoju i ulaganju, smatra gospodin Lipovača.

- Gospodin Lipovača kao pomoćnik Gradonačelnika za lokalno ekonomski razvoj je prisutne upoznao sa pojedinim kapitalnim projektima koji su planirani u narednom periodu, kao što su razvoj Aerodroma Bihać i poslovnih zona u gradu, a u bližoj budućnosti najavio i ozbiljno pristupanje realizaciji projekata plinifikacije i revitalizacije lječilišta u Gati. Prisutni su se složili sa gospodinom Lipovačom o izuzetnom značaju tih projekata a gđa Ibrahimpašić ispred Univerziteta u Bihaću smatra da bi se trebali razmotriti i modeli javno privatnog partnerstva za realizaciju tako kompleksnih infrastrukturnih projekata.
- Usvojen je i Program rada Savjeta za 2019. godinu uz sugestiju prisutnih, da se uvrsti i jedna tematska sjednica vezana za migrantsku krizu u gradu, vezano za štetu koju nanosi kako građanima, tako i privrednicima. Otvorila se i tema izuzetne onečišćenosti grada u posljednje vrijeme, te su prisutni stali da se treba preispitati rad direktora Javno komunalnih preduzeća, njihov učinak i kompetentnost, jer ovo što vidimo u gradu, smatraju prisutni da za ovo neko treba da položi račune javnosti.
- Sastanak je završen u 15.20h

#### **Zaključci sa XI sjednice Savjeta:**

1. Inicirati sastanak sa predstavnicima Vlade USK vezano za koncesije.
2. U Program rada savjeta uvrstiti još jednu sjednicu vezanu za migrantsku krizu u terminu maj/juni.
3. Razmotriti rezultate rada i kompetentnost direktora komunalnih službi čiji je osnivač Grad zbog evidentne zapuštenosti i onečišćenosti grada u posljednje vrijeme.  
**Uputiti Inicijativu sa zahtjevom Gradonačelniku, direktoru JKP Komrad i JU Zavodu za prostorno uređenje, Službi za komun.djelatn. grada Bihaća, da se hitno pristupi čišćenju i uređenju grada jer je stanje alarmantno i sa ovakvim pristupom održavanju čistoće i uređenju grada šalje se loša poruka naročito poruka potencijalnim turistima, investitorima i posjetiocima grada Bihaća**
4. Usvojen Program rada Savjeta za 2019. godinu.

Predsjednik Savjeta za ekonomski razvoj  
Grada Bihaća  
mr.sc. Smail Nuhić